



2. Akademija o medijskom pravu u Jugoistočnoj Evropi

Sarajevo, 3-5. septembar 2013.

Obraćanje generalnog sekretara Vijeća za regionalnu saradnju (RCC) Gorana Svilanovića na zatvaranju skupa

Uvaženi učesnici,

Dame i gospodo,

- Zadovoljstvo mi je da vas u ime **Vijeća za regionalnu saradnju (RCC) kao osnivača** mogu pozdraviti danas u Sarajevu na zatvaranju druge po redu **Akademije o medijskom pravu u Jugoistočnoj Evropi**.
- Ponosni smo što su se mnogi od vas vratili na Akademiju nakon prvog skupa održanog prošle godine u Zagrebu, ali i što vidimo nova lica – to pokazuje da Akademija raste i po veličini i po popularnosti, ali i da širi svoj uticaj.
- Ekonomska kriza koja je pogodila Jugoistočnu Evropu (JIE) učinila je problematiku slobode izražavanja dodatno složenom pri čemu političko uplitanje i ekonomski pritisci sprječavaju razvoj nezavisnosti medija. Produblјivanje dijaloga između državnih aktera i medija i nevladine zajednice je aspekt kojeg Vijeće za regionalnu saradnju smatra od velike važnosti za jačanje slobode izražavanja u JIE, osiguranje dobrobiti društva, njegovog ekonomskog napretka i razvoja u skladu sa ciljevima strategije Jugoistočna Evropa 2020 koju trenutno pripremaju zemlje iz regiona uz koordinaciju Vijeća.
- Mediji, uključujući i javne servise, moraju biti održivi i tako na najmanju mjeru svesti vanjske pritiske te njegovati medijski pluralizam. Uloga vlada i drugih državnih aktera je da učvrsti temelje nezavisnosti medija. U tom smislu je neophodna podrška Evropske unije. Uspostavlјanje uže veze

između slobode medija i kriterija pristupanja od strane EU moglo bi poslužiti kao dodatno ograničenje naporima da se primjeni kontrola i uticaj nad medijima.

- Vijeće za regionalnu saradnju je spremno da na strateški i ciljani način doprinese ovom procesu povezujući aktivnosti u oblasti medija sa ciljevima strategije JIE 2020 na korist društava u regionu i njihove brže integracije u EU.
- Vijeće se u svom radu usredsređuje na jačanje i razmjenu regionalnog znanja i iskustva o zakonodavnom okviru za slobodu izražavanja i njegovu provedbu, jačanje temelja za slobodne medije i povećanje svijesti o njihovom značaju u društvu. Organizacija podržava regionalne napore na očuvanju nezavisnosti i održivosti javnih medija u Jugoistočnoj Evropi kao pružalaca neophodnih usluga građanima.
- Vijeće za regionalnu saradnju će nastaviti da djeluje kao facilitator te **okuplja najbolje resurse iz našeg regiona** oko istog, zajedničkog cilja da bi se maksimiziralo znanje, uticaj i izbjeglo dupliciranje u isto vrijeme djelujući kao veza prema Evropskoj uniji i drugim zainteresiranim partnerima iz regiona.
- To je ono što pokušavamo da postignemo ovom Akademijom. A to ne bi bilo moguće bez naših partnera koji su odlučili da je podrže, a to su: **Fondacija Friedrich Ebert, OSCE-ov predstavnik za slobodu medija, OSCE-ovi uredi u Jugoistočnoj Evropi, Evropska radiodifuzna unija, Evropsko udruženje javnih servisa Jugoistočne Evrope, organizacija ARTICLE 19 i Ambasada SAD u Sarajevu.**
- Kao rezultat vaše stručnosti, rada i preporuka, **Evropska komisija** je također prepoznala vrijednost Akademije i odlučila da je na političkom nivou podrži kroz svoj izvještaj o medijima i slobodi izražavanja na Zapadnom Balkanu i Turskoj, objavljenom u aprilu ove godine, kao i na finansijskom nivou određivanjem sredstava za njeno funkcioniranje u naredne tri godine kroz budžet Vijeća za regionalnu saradnju – na čemu smo im neizmjerljivo zahvalni.
- Uz ovu snažnu potporu Evropske komisije kao i uz podršku naših dugogodišnjih partnera, sada smo u mogućnosti da dugoročno planiramo način na koji **učiniti Akademiju aktivnijom i uticajnijom** te učinimo da

preporuke članova Akademije pronađu put do zakonskih propisa i regulative na državnom nivou i nivou Evropske unije.

- Cilj će nam biti da definiramo precezniju strategiju Akademije za naredne godine, uključujući aktivnosti poput predavanja na pravnim fakultetima i fakultetima za novinarstvo na području cijelog regiona, pravljenje baze podataka medijskog zakonodavstva, kao i džepno izdanje o medijskim slobodama u Jugoistočnoj Evropi. Vaš dopinos u ovom smislu je od velike pomoći i zahvaljujem vam se na tome.
- I na kraju, dozvolite mi da se zahvalim cijelom projektnom timu: Boyko Boevu, Zenet Mujić, Jagici Cvrk i Lejli Babovi na marljivom radu da učine da ovogodišnja Akademija bude uspješna, kao i svim angažiranim kolegama iz partnerskih institucija na njihovoj posvećenosti i podršci.
- Radujemo se nastavku rada sa svima vama na trećoj po redu Akademiji o medijskom pravu u Jugoistočnoj Evropi!